

北京圖書館 編

北京圖書館藏珍本
年譜叢刊

第 141 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 141 冊



中議公自訂年譜卷四

二十一年辛丑五十六歲在迤東道任間訃丁憂回籍

正月初三日滇撫張蘭沚

禮中

到境至霑益州迎

候接見初四日在途接印初六日回署前二日接三

弟安書知 慈親于初九日行抵蘇州一路平安欣

慰無量

十八日刑錢幕友張金衢

璵

及其徒馮晉

川

沉

到館申刻官眷抵署先是由鎮遠起程按站行

走至臘月二十一日行抵賈子窰蓮姨患恙甚劇留

住客店延醫調治在彼度歲耽延二十餘日甫得來

此可謂遲滯主人每逢子年無事輾轉計一歲中南

北奔馳一萬四千餘里捧檄南來一家兩地白雲子
舍縈繞于懷卽夢寐中亦未嘗稍釋隨來眷屬亦如
是阻隔甚矣運中沖動實爲艱危之至矣 二十五
日曉雲偕楊文到署 二月初一日到洗馬店祀神
開秤迤東道向有接運銅觔之責由西道運到均須
過秤接收運至貴州之宣威州交替站道縣長中間
設立站所五處派人管理節節稽查此向例也惟所
運銅觔用馬馱載輕重大小不能畫一上站交至下
站前後搭配無從截數必待本任交卸統計收數方
能得實以故馱夫短少站書偷賣種種弊端不一而

足其累本官賠補者盈千累百歷任不免予于到任
後照依州縣解餉遞犯之法刊刻回照頒發各站凡
遇西道解到若干分作幾起預先飭知站所丁胥令
其按起收明足數隨時給予回照若有短少留照不
發署內按其程途遠近時時催取設有稽延專差查
究如是辦理馭夫人等竟至無弊可作交卸時片銅
不少後任周雨亭云立法之善百世不易良不誣也
是日得家書知 慈親于十一月十六日抵湖十
七日到家行走四十日一路平安可勝忭慶

補錄黔陽道中詩

崔嵬直上筍輿輕蒼翠斑斑送我行萬里間關愁
步亥一緘鄭重託郵庚縈懷堂上平安字

時方寄家書

極目山中太古情閱歷敢辭行邁苦拚將櫛沐報
昇平

瘠土民勞力倍殫炎州生計實艱難開荒直已窮
山頂擁絮曾無禦歲寒曉擔菅茅爭入市晚炊蕎
飯共加餐願將疾苦邊方事圖向豪華席上看
花布蘆笙好尙殊苗氓歸化甚蚩蚩債除重利侵
漁少俗去媮風禮教宜直裊當胸常右袒大環綴
耳更雙垂區區被服分靈蠢政令難教習染移

六詔車書萬里通黔南鎖鑰鎮葱蘢方言啁哳難
爲聽煖意吹噓不似冬擬改四圍雲色將爲雨一路風光不似冬響瀑
有時爭出峽亂山何處問來龍痛瘡僕馬經行慣
坐聽雞鳴報曉鐘

善政由來感召多此邦歲歲頌時和

黔省連年上
稔斗米百錢

堂開向節存嫠緯肆列鳴機躍女梭嚮學已垂童

子解旌賢時問碩人邁更看茂宰勤民事紡具縱

橫滿院羅

省城有尙節及幼堂等又勸諭民間廣
種木棉以資生計書院義學加意培植

皆近時
善政也

嘉平二十九日赴任迤東道中作

點蒼山色翠螺堆驄馬行吟曙色開抱轂竹雞迎
日雉穿林松鶴帶雲回於今坦蕩占幽履無事崔
嵬詠酌巵一路梅花舒笑口暗香爭逐使君來

二十九日購得綠鸚鵡一架色澤能言亦佳產也三
月初一日行香吳樂山談及雲南物產有甚異者騰
越一帶產有黑米其色如墨截斷而炊仍復連續名
爲接骨米食之可補筋骨又有水晶魚魚之腸胃無
不映徹望之甚悉又有腸麪魚腹有腸剝而出之曬
乾成麪可以入菜未經道破儼然條麪也又有雞鬚
一名鷄蹲每年五月下旬始有挑賣在松林內長發

味鮮而嫩比蔴菇爲尤勝亦佳產也 南北寒暑以
大河爲界不甚相遠獨滇中天氣夏不炎熱冬不寒
涼日則單夾衣則臬絮四時皆然夏日不甚長冬日
亦不甚短試以刻漏按之于厯書與中州各差刻餘
又竟月西南風不起東北風冬風春風刮地揚塵與
江北同地之寒熱與穀種之先後大相懸殊余于十
二月間蒞任徧野皆是菜花蠶豆花與春三月無異
昔人謂其地去崑崙伊邇勢極高而寒以近南故寒
燠半之以極高故日出沒常受光先而入夜遲也未
知然否滇之山茶花甲于海內種類之繁至七十有

二冬末春初此花盛開爍日蒸雲摘文布繡火齊四
照雲錦成帷信天壤之奇觀品物之鉅麗也昔鄧漢
稱其有十德以色之豔而不妖一也樹之壽有經二
三百年者猶如新植二也枝幹高竦有四五丈者大
可合抱三也膚文蒼潤黯若古雲氣罇罍四也枝條
黝斜狀如麈尾龍形可愛五也蟠根獸攫輪囷離奇
可屏可枕六也豐葉如幄森沈蒙茂七也性耐霜雪
四時常青有松柏操八也次第開放近二月始謝每
朵自開至落可歷旬餘九也折入瓶中水養十餘日
不變半吐者亦能開十也此皆他花所不能全者唐

人以前此花獨不經題詠以僻遠不通中土遂使奇
姿豔質淪落無聞鄧漢曾製百詠詩爲此花吐氣誠
韻事也 鹿茸產自普洱等處每一對需銀三四五
十兩不等角以無縫無孔彈之結實者爲良若有縫
道恐已攢去存茸無多色純紅專補血分與口外所
產黃色專走氣分者不同 雲苓爲松樹之腴無根
而結成團實每個重四五觔者良每觔需銀四錢其
最大者乃拚湊而成水浸卽散乃作僞者之所爲也
鷄血藤膏產自順孟府以膏少許用燒酒燉開眞
者其紅如血僞者其色不紅 肉桂越厚越不足恃

不如蘇條爲良其條稍爲薄小甜多辣少即可用不必盡在厚實也 茯神形長不如茯苓之圓書稱抱木茯神往往根尙不化存留其中 滇南以翠玉得名其實非本處所產乃聚處也售賣者均用璞大小不一外係糙皮無從辨認卽深于此者亦並無把握迨鑿開後得失判然視其人之時運何如耳凡有可觀者均帶至粵東吳門攻作以本處匠作拙笨恐損材料故也 雲南向有牛叢一項本爲禁約盜賊而設厥後借此名色欺壓平民挾仇攀害大爲地方之害每屆年終州縣結報一次督撫據以入 奏上下

相蒙養癰愈甚到任後給示嚴禁破力查拏東道所屬此風稍息復手製俚言告示刊發數千本散給閭閻共相勸勉庶幾挽回頽風於什一也示稿錄後

思患預防剴切曉諭以全生命而免株累照得雲南地方風聞向有牛叢一項其初原爲禁約賊盜而設邊地民情疾苦除了開荒種地之外別無生計偶逢雨澤稀少年歲歉收往往流爲賊盜任意偷竊山中人家居住寫遠煙戶零散若非明立禁約設法防守家家都有臥不安枕的驚恐因此有創立牛叢的出來大家齊心協力捕捉賊盜有合

一村一寨爲一叢的有合數村數寨爲一叢的甚至有合數十村寨爲一叢的這原是團練的意思與保甲相爲表裏倘不違條犯法彼此守望相助此是最好的事官府又何必禁止他呢只爲叢有叢頭叢有叢弊每逢些小偷竊捉住賊人送到叢上以爲人贓現獲罪無可逃卽時鳴鑼傳帖按戶出人大家拿了一塊柴一把草齊集數十百人將賊人一燒完事此等賊人究竟不犯死罪燒了之後有個親人出頭控告官府不能不問惟有按名查拏照律嚴辦到了審問明白死的果真是個賊

人那動手燒人的亦應問個擅殺罪人的罪查例載凡罪人已就拘執而擅殺者擬絞監候此明明是個死罪從沒有比這再輕減的那時村寨上招了官事花了盤纏辦了罪名抵了性命即使罰不及眾未必人人擬抵其中總有幾個抵罪的人如何犯得着呢這其間豈沒個明白道理的人先事知覺只是當着棚燒的時候都是洶洶之勢若說一句勸阻的話大家嗔他是通同賊盜要與他不依再有平日附在叢內的人有故不到大家羣起而攻還要重重議罰甚至拆毀房屋驅逐出境鬧

個不休明是倚恃人眾任意妄爲這難道是好百姓的行爲麼當此光天化日之下開口說個燒人二字人人驚駭個個寒心是乃蠻法三千不能理喻的了平日間有夥強盜明火執杖撞門入室輪姦婦女拒傷事主此種匪類爲什麼不聽見牛叢上有燒了的話又有伍什成羣持刀弄棍到那靜僻處所攔路截搶奪人錢財傷人性命這樣痞惡也沒聽見牛叢上拏去燒了這是爲何因爲怕他兇惡防他報復因此不敢惹他那燒死的無非是個偷雞摸狗撬門挖洞的毛賊齊集大眾專爲收

拾那至窮無賴的人真是說來可笑總之燒人這一節都是爲頭的不好平日恃強行霸村寨上大家怕他到了立叢的時節豎起木桿掛上弔鉤他就佔做個大叢頭其次的佔做散叢頭俗語說的好好有事怕太平充他的本意巴不得天天有事月月燒人方顯得他的威武甚至借牛叢的名色欺壓良善訛詐平民說一道二沒人敢違拗他稍不能如他的意就想設法報復栽贓陷害無所不至所以有牛叢的地方雖是安分的生監守法的良善沒有不被他脅從的更有懷挾嫌仇遷怒